

بقايا الحب


نادية كرومي

2012

إهداء:

أهدي هذا العمل إلي أمي التي لطالما شجعتني للمضي قدما، وإلي كل من قرأ لي يوما، وإلي كل روح أهدتني في يوم من الأيام القليل من الحب والاحترام.

نادية كرومي.



اللقاء

شفتك يا الغالي
فايت علي بابي
غريب وبراني
ونسيمك الدافي ء
ونسيمك الدافي ء
نداني همس في وذي
وقالي يا السمرا
يا بنت الزوالي
يا بنت الزوالي
يا بنت الزوالي
حببتك والحب كواني
حببتك والحب كواني
وغرامك الدافي ء داني
بعيد وما خلاني
ونساني الدنيا وهذا لفاني
واش داني نعرفك ونسميك
الحبيب والغالي
واش داني نعطيك قلبي
ونهديك غرامي

1-

ونردك حبي وفراشة وجداني

حبك في قلبي

كضربة السيف كواني

وجرحني وخلي قلبي

مريض يعاني

ما يشوف غير صورتك

قولي يا بنت الناس

واش عيونك ساحرة

ولا أنا اللي

ضيعت عيوني

وما ني نشوف غيرك قبالي

كالشمعة مضوية لي الليالي

وكالوردة منورة لي حياتي

وما نحب من الدنيا

غير أنت قدامي

2/9/2015

2-

النية

كثر همك يا الدنيا
ولي كان فيك نية
ينكوى بألف كية
وينقاص مع الحوايج البالية
ولي يخطاه أهله وتخطاه العائلة
تولي الدنيا ليه عملة غالية
ويبقي في بلاسته
يحلم وما يلقي فايدة
يالي لي قلبك كريم
وطيب ما تقول النية
تخليتني التالي في هذه الدنيا
بصح مكتوب كل واحد
فيها مرشوم علي الجبهة

8/11/2015

الخيانة

شفت دموع نازلة من العين
قلت واش صرا للقلب الحنين
شدوني زوج يدين
مرشومين بحرفين اثنين
مجروحين والدم فيهم
يمشي علي رجلين حافين
قصة حب بين شخصين
واحد خاين والزواج انتوما عارفين
قلبه حنين ما عارف الراس من الرجلين
العين تحلم والقلب
المسكين ما يعرف الدنيا من الدين
قاعد يرسم لوحة كل يوم
لشخصين اثنين
واحد واقف والزواج ماسك اليدين
اه من هذا الحب
شعال لعب دور المسكين

من مرة وخلا القلوب تنسي حتي الدين
القلب اللي خلاه مولاه كيفاه ينساه
لو كان ما الخبزة ما نعرفك الطجين
لو كان ما ربك قدرني ليك
ما نكون أنا ليك في هذا الدقيقتين

16/4/2018

شوفت الحبيب

شفتك يا لحبيب

والقلب بغاك

مسكين وزوالي

وعيونني ما شافت

للمال لاخطر

المال فاني

بصح شافت للروح

والروح شيء ثاني

ما يفهمه غير لي

حب كيفي

ولي ما حب كيفي

غير يطيشني وينساني

الحب فيه شعال معاني

ماهوش كلمة ولا زوج

حروف ونهار الثاني

خلاص ما يخصنيش

غير نساني

ولي راه كاتبه ربي
ما يجي العبد يمحيه
بزوج صباع ويقول
من بعد راه
راح وخالاني

17/12/18 22:9

7-

عطر الشوق

يا عطر الشوق
خليك في قلبي
أيام وليالي
لا تقول كلام ولا معاني
عيونك ضاحكة
وحدودك حمراء
تضوي لي الليالي
الحب شعل بكاني
وأنا معاك فرحانة
كل دقيقة وسهرانة
ليالي نخمم فيك
ونار الشوق شعالة
في عقلي وخيالي
كل دقيقة وكل ثانية
ما عرفت هذا حب

8-

ولا ذا شيء ثاني
بصح لي عرفته
بلي أنت ديما في بالي
صورتك بين عينيا
واسمك محاته الدنيا
وما نسوني فيه الهموم
يا عطر الشوق
خليك في قلبي
لا تنساني ولا أنا ننساك
عطر لي حياتي
كيما تعطر الوردة
البيوت في عز الليالي

25/12/2018

9-

هنيتك

هذا عام جديد
دخل عليك ياالحبيب
هنيتك والقلب
فرحان وسعيد
حامل باقة ورد
وبسمة من بعيد
وقبلة حب
يهنيك ويقولك
كل عام وأنت
بألف خير
وعمر مديد
إن شاء الله
أحلامك يا حبيبي
تتحقق ويولي عندك
كل يوم في حياتك عيد

21/12/2018

10-

